

**NORSPIS**

Norsk kvalitetsregister for
behandling av spiseforstyrrelser

**Eejhtegidie/åliealmetjidie skiemtijidie
vuelelen 16 jaepieh**

Bievnesetjaalege Nöörjen kvaliteeteregisteren bijre bāhtjierdimmien bijre byöpmedimssturremijstie (NORSPIS)

Daate tjaalege bievnesinie Nöörjen kvaliteeteregisteren bijre bāhtjierdimmien bijre byöpmedimssturremijstie (NORSPIS). Mijjeh birrebe datne asth tjaalegem lohkedh, jīh datne dov maanine soptsesth dej bievnesi bijre mah daesnie tjāadtjoeh. Gaskesadth bāhtjierdæjjam sjīerehealsoedienesjisnie jallh NORSPIS:em jis mīsse akt onterdh.

Mannasinie daam bievnesetjaalegem āadtjoem?

Datne daam bievnesetjaalegem āadtjoeh dan āvteste **dov maana vuelelen 16 jaepieh** salkehtimmiem jallh bāhtjierdimmien byöpmedimssturremen āvteste āādtje sjīerehealsoedienesjisnie. NORSPIS bievnesh gaajhki skiemtijij bijre reebli mah salkehtimmiem jallh bāhtjierdimmien āadtjoeh. Tjaalegisnie bievnesh gaavnh guktie NORSPIS bāhtjerde jīh bievnesh dov maanan bijre nuhtjie, mah reaktah dov, jīh guktie maahtah reaktide nuhtjedh.

Maam tjoerem darjodh?

Ih daarpesjh maam darjodh jis jāāhkesjh dov maanan bievnesh vöörhkesuvvieh jīh ātnasuvvieh guktie lea buerkiestamme daennie bievnesisnie. Jis ih sijhth NORSPIS edtja dov maanan bievnesh vöörhkedh jallh nuhtjedh tjoerh dov maanam reserveeredh (vuartesjh vueliebisnie).

Mij NORSPIS?

NORSPIS lea nasjonaale medisijnen kvaliteeteregistere, mij bievnesh gaajhki skiemtijij bijre mah salkehtimmiem jallh bāhtjierdimmien byöpmedimssturremen āvteste āadtjoeh nöörjen sjīerehealsoedienesjisnie. NORSPIS:en ulmie lea: 1) vielie daajroem āadtjodh byöpmedimssturremi jīh bāhtjierdimmien bijre dejstie, 2) bāhtjierdimmiefaalenassem bueriedidh mij vadtasāvva. Jeatjah bielielmie NORSPIS:ine lea dotkemem byöpmedimssturremi bijre dāarjoehtidh. Nordlandssykehuset HF diedtem ātna registeren āvteste, jīh hāksa persovne- jīh healsoebievnesh registerisnie jearsoeslaakan gietesuvvieh, guktie persovnevaarjelimmiem jīh sjaevehtsvoetediedtem gorredibie. Healsoeregisterelaake (Helseregisterloven) jīh Mieriedimmie medisijnen kvaliteeteregisteri bijre (Forskrift om medisinske kvalitetsregister) stuvrieh guktie NORSPIS barka.

Mah bievnesh NORSPIS reebli jīh vöörhkie, jīh gubpede bievnesidie veedtjie?

Bievnesh mah tjaalasuvvieh lea nomme, reakedsnommere, jīh vaestiedassh gihtjemegoeresne skiemtijijstie jīh bāhtjierdæjjeste bāhtjierdimmien aalkoelisnie jīh galhkuvisnie. Sīejhme skiemtijjem, jallh eejhtegh/āliealmetjih birredh gihtjemegoerem dievhtedh goh bieli salkehtimmeste sjīerehealsoedienesjisnie. Goerh leah dej vaejviej bijre dov maana ātna, jīh guktie aarkebiejje lea. Lissine dov maana, jallh datne maanan bielestie, goeresne vaestedh dāājrehtimmiej bijre bāhtjierdimmie, jīh nāhtoen bijre bāhtjierdimmeste. Jis dov maana lea 16 jaepieh illeme gosse bāhtjierdimmie lea gaervies, NORSPIS aaj gihtjemegoerem seedtie akten jaepien mænngan.

Bāhtjierdæjja/bāhtjierdimmiesijje gyhtjelassh vaestede sārhten bijre byöpmedimssturremistie, jeatjah skiemtjelassi bijre, magkeres bāhtjierdimmien skiemtijie lea āādtjeme jīh sāmies medisijnen gyhtjelassh, gaskem jeatjah væktoen jīh jalloen bijre. Maahta daerpies ārrodh bāhtjierdæjja/bāhtjierdimmiesijje skiemtijie-journaalesne lāhka, edtja giēhtjedidh bāhtjierdimmiebievnesh mejtie NORSPIS:esne tjaelieh, leah reaktoe. NORSPIS maahta aaj daah jīh plearoeh bievnesh Norsk pasientregisteristie veedtjedh.

Nomme jīh reakedsnommere veedtjesuvvieh juktie bievnesidie persovneidentiteetese ektiedidh. Daate dorjesāvva edtja tjirkedh registreeremh NORSPIS:esne leah reaktoe, mijjeh maehtebe skiemtijjem guhkiem fulkedh jis bāhtjierdimmien āādtje jieniebinie sijjine, jīh edtja nuepie ārrodh daatah NORSPIS:esne tjāanghkan biejedh jeatjah registerigujmie. Ajve almetjh mah baahtsemem registerasse utnieh maehtieh vuejnedh gien bievnesh leah. Gaajhkes mah baahtsemem registerasse utnieh, sjaevehtsvoetediedtem utnieh. Bievnesh vöörhkesuvvieh ihkuve registerisnie, jallh dan guhkiem daerpies, NORSPIS:en ulmien mietie.

Guktie bievnesh NORSPIS:esne ātnasuvvieh?

Bievnesh NORSPIS:esne maehtieh ajve ātnasovvedh guktie lea moeneme ulmesne jīh njoelkedassine mah leah

faamosne NORSPIS:ese. Bievnesh NORSPIS:esne åtnasuvvieh reektehtsh jñh statistikhkem darjodh. Gåarede bievnesi bijre syökedh NORSPIS:este juktie dejtie nuhtjedh kvaliteete- jallh dotkemeprosjektine, aaj institusjovni dåaresth (vuesiehtimmien gaavhtan joekehts skiemtjegåetine). Prosjekth tjuerieh jååhkesjimmiem dejstie reaktoe instansijste utnedh, desnie gusnie dam kreava. Bievnesh vadtasuvvieh iemielaakan bieleden nomme, reakedsnommere jallh jeatjah bievnesh mejgumie gåarede skiemtjijem damtijidh, viehkine kodeste mij skiemtjijem sov bievnesidie ektede. Maahta jijtse bööredimmieh båtedh mejtie sæjhta lissiebievnesh vedtedh vuesiehtimmien gaavhtan dotkemeprosjektide, men maahtah dov maanan bielesste, nyöjhkedh bievnesh vedtedh. Persovnebievnesh NORSPIS:este maiehtieh tjåanghkan biejesovvedh bievnesigumie jeatjah registerinie. Gaajhkh bæjhkohtamme illedahkh jñh statistikhkh mah bievnesh NORSPIS:este nuhtjiej, sijhtieh anonyme årrodh, guktie ij sijhth nuepie årrodh fiereguhtem skiemtjijem damtijidh.

Dov reaktah goh eejtege/åliealmetje

Dov lea reakta moenedh dov maana ij edtj meatan årrodh NORSPIS:esne. Dellie tjoerh dov maanam reserveerdh. Maahtah dam dissie-gåessie darjodh, bieleden fåantoem soptsestidh jñh bieleden daate konsekvensh bæhtjierdæmman vadtah maam dov maana dælie jallh bæetijen æjekien åådtje. Jis dov maanam reserveerh, bievnesh NORSPIS:esne skubpesuvvieh. Maahtah birredh mejtie åadtjoeh bievnesh vuejnedh mah leah vöörhkesovveme, jñh bievnesh staeriedidh mah leah bæajhtode. Maahtah birredh dæjredh giéh bahtsemem åtneme jallh healsoebievnesh åådtjeme dov maanan bijre. Maahtah viehkiem åadtjodh persovnevaarjelimmietjirkijistie Nordlaanten skiemtjegåetesne (Nordlandssykehuset). Jis viénhth bievnesh bæajhtoehlaakan giétesuvvieh, maahtah Daatavaaksjoemasse (Datatilsynet) jallh Staaten healsoevaaksjoemasse (Statens helsetilsyn) læjhtedh.

Guktie dov maanam reserveerdh

1. Maahtah: Dov maanam reserveerdh sijjesne Helsenorge. Tjaangh www.helsenorge.no jñh veeljh datne leah dov maanan bielesste. Diedtieh maanan nommese -> Profil og innstillinger -> Personverninnstillinger. Diedtieh båalese «Endre innstillinger» nuelesne «Forskning, screening og helseregistre». Veeljh «Norsk kvalitetsregister for behandling av spiseforstyrrelser (NORSPIS)», diedtieh «Reservasjon mot lagring av personopplysninger i NORSPIS». Biejh kroessem jñh diedtieh«Jeg reserverer meg».

2. Jallh: Gaskesadth NORSPIS:ine, dellie reservasjovnem dov åvteste darjobe. Datne sijhth tjaaeldh vihtiestimmiem åadtjodh datne leah dov maanam reserveereme.

Vielie bievnesh

Mijjen needtesæjrosne norspis.no datne gaavnh:

- Bijjieguvvie gaajhki bievnesi bijjeli mah NORSPIS:esne tjaalasuvvieh
- Jaabnan bievnesh guktie bievnesh registeristie leah åtnasovveme.

NORSPIS:en gaskesadtemebievnesh

- Tellefovne: 75501081
- E-påaste: norspis@nlsh.no (Aellieh seedth sensitjive bievnesh e-påastesne)
- Påastetjaalehsijjie: NORSPIS, Nordlandssykehuset HF, Regionalt senter for spiseforstyrrelser, Postboks 1480, 8092 Bodø:

Persovnevaarjelimmietjirkijen gaskesadtemebievnesh Nordlandssykehuset

- Tellefovne: 75571927
- E-påaste: personvernombudet@nordlandssykehuset.no (Aellieh seedth sensitjive bievnesh e-påastesne)
- Vielie bievnesh persovnevaarjelimmietjirkijen bijre: www.nlsh.no

Daatavaaksjoemen (Datatilsynet) gaskesadtemebievnesh

- Tellefovne: 22396900
- Påastetjaalehsijjie: Datatilsynet, Postboks 458 Sentrum, 0105 Oslo
- Vielie bievnesh læjhtemen jñh dov persovnevaarjelimmiereaktaj bijre: www.datatilsynet.no

Staaten healsoevaaksjomen (Statens helsetilsyn) gaskesadtemebievnesh

- Tellefovne: 21529900
- Påastetjaalehsijjie: Statens helsetilsyn, Postboks 231 Skøyen, 0213 Oslo
- Vielie bievnesh: www.helsetilsynet.no

Gæjhtoe gaajhkesidie giéh meatan NorSpisesne!